

G J A L D S K R Á

fyrir Rafveitu Siglufjarðar.

I. RAFORKA

Rafveita Siglufjarðar selur raforku á þann hátt og við því verði, sem hér segir:

A. Lýsing.

Um kwst.mæli á kr. 1.50 hverja kwst.

B. Almenn heimilisnotkun.

1. Um tvöna kwst.mæla, annan til ljósa og hinn til suðu og hitunar, þannig reiknað:

Fyrir notkun um ljósamælinn kr. 1.50 á kwst.
Fyrir notkun um suðumælinn — 0.40 —

Suðu og hitunartæki, sem tengd eru við suðumælinn, skulu vera fasttengd. Þó má tengja eldavél um sérstakan 25 amp. eldavélatengil og hafa einn tengil í eldhúsinu að auki fyrir suðutæki, strokjárn o. þ. h.

2. Um einn kwst. mæli fyrir alla notkun á heimilinu, þannig reiknað:

a. Fastagjald af gólfleti íbúðar	30 aurar á m ² á mánuði.
b. Fyrir fyrstu 3 kwst. á mán. á hvern m ² gólfplatar	40 — — kwst.
c. Fyrir notkun umfram það	20 — — —

Við ákvörðun á gólfleti íbúðar reiknast öll íveruherbergi, eldhús, gangur og baðherbergi, en ekki geymslur eða þvottahús. Íveruherbergi, sem um stundarsakir standa auð, eða eru notuð sem geymslur, skal reikna sem íbúðarherbergi. Tekið skal tillit til, ef um súðarherbergi eða þvílíkt er að ræða.

Ofangreind ákvæði um fyrstu notkun gilda fyrir allar íbúðir upp að 100 m², en fyrir íbúðir með 100 m² gólfplöt reiknast til fyrstu notkunar 2 kwst. á mánuði á hvern m² fram yfir 100 m².

Ef nægileg raforka er ekki fyrir hendi, er bæjarstjórn heimilt að fella niður 20 aura verðið fyrir umframnotkun og selja alla notkun samkvæmt þessum gjaldskrárlíð á 40 aura kwst., auk fastagjaldsins.

C. Vélanotkun.

1. Um kwst.mæli á 90 aura hverja kwst.
2. Ef um mikla orkunotkun er að ræða, svo sem til frystihúsa, og kaupandinn skuldbindur sig til að kaupa 20 000 kwst. á ári hið minnsta, má selja orkuna um kwst.mæli, þannig:

Fyrir fyrstu	20 000 kwst.	ársnotkun	35 aurar á kwst.	
— næstu	30 000	—	33	— — —
— umfram	50 000	—	30	— — —

Verð þetta miðast við, að útsöluverð á oliu á Siglufirði sé 700 kr. tonnið, en fyrir hver full 10%, sem oliuverðið lækkar eða hækkar frá því verði, lækkar eða hækkar verð orkunnar um 10%.

D. Hitun.63
8. maí

Ef vélaafl, línur og spennar leyfa, að dómi rafveitustjóra, má selja raforku til hitunar, um kwst.mæli á 15 aura hverja kwst., með eftirfarandi skilyrðum:

- a. Að hitalagnir, þar með talin öll tæki, séu gerð samkvæmt fyrirmælum rafveitunnar, ofnar fasttengdir með sérstökum rofum og hitastillar notaðir.
- b. Að notandinn setji klukkurofa fyrir hitalögnina og kosti viðhald hans. Þó getur rafveitustjóri ákveðið, að rafveitan leggi til klukkurofa, og kostar þá notandinn tengingu hans og greiðir leigu af honum samkvæmt reglum, er gilda um leigu mæla.
- c. Að rafveitunni sé heimilt að rjúfa strauminn af hitalögninni, þegar það telst nauðsynlegt að dómi rafveitustjóra.

E. Önnur raforkunotkun.

1. Rafveitustjóri getur með sérstökum samningi selt raforku þeim notendum, sem hafa eigin vélar til orkuvinnslu, með því skilyrði, að stöðva megi orkusöluna til þeirra, hvenær sem þarf, að dómi rafveitustjóra.
 2. Til nota um vinnulagnir við byggingar, meðan á byggingu stendur, um kwst.-mæli á 90 aura hverja kwst.
 3. Til lýsingar gatna, hafnar, skóla, sjúkrahúsa og kirkna um kwst.mæli á kr. 1.00 hverja kwst.
 4. Til fiskþurrkunarhúsa gildir gjaldskrárliður C-2 fyrir orkunotkun til hreyfla (flutningsbönd, viftur, lyftitæki o. fl.), en fyrir hita til þurrkunarinnar kr. 0.15 pr. kwst.
 5. Sundlaugin greiði kr. 0.10 pr. kwst. fyrir raforku þá, sem fer til hitunar. Fyrir ljós greiðist kr. 1.00 pr. kwst og fyrir hreyfla samkvæmt gjaldskrárlið C-2.
- Alla raforkunotkun, sem ótalin er og ekki kemst undir aðra liði þessarar gjaldskrár, skal selja eftir gjaldskrárlið A. Þegar sérstaklega stendur á, má rafveitustjóri þó, að tilskildu samþykki rafveitunefndar, selja raforku eftir sérstökum samningi í hvert sinn, en eigi lengur en til eins árs í senn.

II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notandann, sem skal greiða leigu af mælitækjum eins og hér segir:

1. Af einfasa mælum upp að 30 amp.	kr. 2.00 á mánuði.
2. — þrífasa mælum 50 amp. og minni	— 3.00 — —
3. — þrífasa mælum 50 til 100 amp.	— 7.00 — —
4. — þrífasa mælum yfir 200 amp.	— 10.00 — —

Af öðrum mælitækjum en þeim, sem nefnd eru, skal ársleigan vera sem næst 20% af verði mælitækjanna.

III. HEIMTAUGARGJALD

Af hverri húsveitu, sem tengd er við rafveituna, skal greiða heimtaugargjald, sem miðast við rúmmál húss, utanmál, þar með talinn kjallari og íbúðarfært ris, eins og hér segir:

63
8. maíRúmmál húss í m³:

Heimtaugargjald jarðstrengs:

Allt að 200	kr. 600.00
Frá 200 allt að 300	— 700.00
— 300 — — 400	— 800.00
— 400 — — 500	— 900.00
— 500 — — 600	— 1000.00
— 600 — — 700	— 1100.00
— 700 — — 800	— 1200.00
— 800 — — 900	— 1300.00
— 900 — — 1000	— 1400.00
— 1000 — — 1200	— 1500.00
— 1200 — — 1400	— 1600.00
— 1400 og þar yfir	— 1700.00

Fyrir loftlínu greiðist sem nemur 70% af gjaldinu fyrir jarðstreng.

Sé jarðstrengsheimtaug lengri en 15 metrar og loftlínuheimtaug lengri en 40 metrar eða gildleiki víra meira en 3×70 mm², skal húseigandi greiða kostnað af því, sem fram yfir er.

Ef lagðar eru fleiri en ein heimtaug að sama húsi, greiði húseigandi allan kostnað við síðari heimtaug eftir samningi.

Þau hús, sem áður hafa greitt heimtaugargjald eftir reikningi, greiði aðeins mismuninn, ef loftlínu er breytt í jarðstreng. En þau hús, sem ekki hafa greitt heimtaugargjald, greiða það, þegar þau hafa fengið heimtaug sína endurbyggða.

Gjald fyrir heimtaug fellur í gjalddaga þegar uppsetningu taugar er lokið.

IV. OPNUNARGJALD

1. Hafi gjald samkvæmt gjaldskrá þessari ekki verið greitt, svo að til lokunar hafi komið fyrir veitu, skal taka gjald fyrir enduropnun, 20 krónur.
2. Ef fundin eru óleyfileg eða of stór vör við endurskoðun, skal veitunni lokað tafarlaust, og verður hún ekki enduropnuð fyrr en notandinn hefur greitt 20 króna gjald á skrifstofu rafveitunnar.

V. HEIMILD TIL BREYTINGA

Bæjarstjórn er heimilt að hækka eða lækka gjöld, sem ákveðin eru í þessari gjaldskrá, um allt að 20%, án sérstakrar staðfestingar ráðuneytisins, enda auglýsi bæjarstjórnin breytinguna í Lögbirtingablaðinu, áður en til hennar kemur.

Gjaldskrá þessi staðfestist hér með samkvæmt vatnalögum, nr. 15 20. júní 1923. og raforkulögum nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt er úr gildi felld gjaldskrá fyrir Rafveitu Siglufjarðar, nr. 197 12. nóv. 1945, ásamt breytingu á þeirri gjaldskrá, nr. 57 20. apríl 1949.

Atvinnumálaráðuneytið, 8. maí 1951.

Hermann Jónasson.

Þorv. K. Þorsteinsson